


Krajem marta, građani Brčkog će znati imaju li razloga za slavlje



Supervizor za Brčko, Michael Scanlan, čestita svim ženama u Distriktu Međunarodni praznik žena, a svim građanima i građankama Brčkog čestita 21. godišnjicu osnivanja Distrikta.

Ulaskom u svoju treću dekadu, Brčko se nalazi na raskršću. Prethodna dekada bila je žalostan period tokom kojeg su loše provođenje vlasti, zloupotrebe javnih sredstava i izabrani zvaničnici, koji su svoje lične interese stavljali ispred dobrobiti zajednice, uništili nadu i šanse Distrikta.

Organi vlasti izabrani 15. novembra obavezali su se da će krenuti u novo doba propisnog vršenja vlasti u Distriktu, čime će se osigurati transparentno i disciplinovano trošenje budžetskih sredstava, poslovno okruženje koje pogoduje investitorima i razvoj infrastrukture koja će omogućiti ekonomski rast. Svi ovi elementi zajedno će osigurati da Brčko distrikt u kratkom roku postane zajednica kakva svi znamo da može biti i koju njeni građani nikada ne bi pomicali da napuste.

Krajem ovog mjeseca ćemo vidjeti da li se Brčko vratilo na pravi put. [Spisak reformi je jasan](#), a vaši izabrani zvaničnici znaju šta tačno treba uraditi. Njihovi potezi će odlučivati da li će u Distriktu početi ovaj period ekonomskog rasta i kvalitetnijeg života. Njihovi potezi, a ne njihove riječi, su

ono što će odrediti da li će se to zaista desiti.

Modernizacija luke, novi funkcionalni most i specijani koeficijent mogući su zahvaljujući podršci međunarodne zajednice, uključujući i instituciju koju ja predstavljam. No, usvajanje potrebnih pratećih transparentnijih mjera sadržanih u novom Zakonu o sukobu interesa, reformu načina zapošljavanja u javnom sektoru, jaču finansijsku kontrolu finansijskog poslovanja javnih preduzeća i ispravljanje netransparentnih zakona donesenih po hitnom postupku tokom prethodnog mandata mogu osigurati isključivo izabrani zvaničnici Distrikta. Da bi međunarodna zajednica i dalje ostala angažovana, Brčko mora ispuniti svoje obaveze tokom ovog mjeseca, ove godine i cijelog ovog mandata.

Stoga je važno da glasanje u Skupštini, kojim će se potvrditi da Brčko ispunjava svoje obaveze, bude pojedinačno glasanje, kako to omogućava procedura. Za očekivati je da se takav pristup zauzme ovog mjeseca prilikom glasanja o usvajanju teksta Zakona o sukobu interesa, usklađenog s evropskim standardima, koji je usvojen na Vladi 3. marta.

Vrijeme je da zvaničnici Brčko Distrikta pošalju nedvosmislenu poruku da je dekada koju su obilježili vlastiti interes, zapošljavanje koje je zavisilo od veza i stranačke pripadnosti, slabljenje kvaliteta javnih usluga, politički motivisano blokiranje razvoja infrastrukture i egzodus poslovnih subjekata, kao i mladih ljudi iz Brčkog, završena. Ukoliko zvaničnici Brčkog ispravno postupe, građani Brčkog će imati istinski razlog da se svakog 8. marta okupljaju s generacijama koje dolaze kako bi s njima podijelili radost i sreću što žive u Brčko Distriktu. Međutim, tu svi građani moraju biti dio promjene, baš kao što su bili aktivni u provođenju mjera za prevazilaženje koronavirusa. A uspjeh je moguć u oba slučaja ako svi urade svoj dio posla.